



101 razlog za ženu na lokalnim izborima

Nosilac projekta: **Udruženje INFOHOUSE**

Glavni partner: **Fondacija CURE**

Lokalne partnerske organizacije: **Vezičke iz Travnika, Demokratski centar Nove nade iz Foče, NVO Ženski centar iz Trebinja, Omladinski centar iz Istočne Ilidže, UG Naša djeca iz Zenice, UG Bolja budućnost iz Tuzle, UG Otadžina iz Bijeljine, Udruženje žena Li-Women iz Livna i Udruženje Žena BiH iz Mostara.**

Aleksandar Trifunović, glavni i odgovorni urednik Magazina „Buka“

„Želim da glasam za ženu koja nije na listi ne samo zbog obavezne kvote već zbog kvaliteta koje posjeduje. Nema sumnje da takve žene postoje, treba im pružiti priliku i ohrabriti ih da postanu ne samo buduće parlamentarke već da postanu liderke partija. Činjenica da nema žena među liderima velikih partija je zabrinjavajuća.“

1.

Sunčica Šenić, novinarka/voditeljica

„Zato što na vladajućem nivou godinama unazad imamo jednu ili nijednu ženu, vrijeme je pružiti šansu ženama da pokažu šta znaju jer, očito, dosadašnje 'muško' znanje nije imalo velikog uspjeha u rješavanju najosnovnijih državnih problema. Znamo da je u osnovnoj jedinici društva stub svake porodice žena. Organizacijska, diplomatska i svaka druga sposobnost majke, supruge ili sestre doprinose harmoniji unutar porodice i čine je čvrstom i stabilnom. Sve te karakteristike nema naša država te bi prenošenje samo ovog porodičnog iskustva svake žene umnogome doprinijelo kretanju sa mrtve tačke na kojoj stojimo 20 godina. Ako tome dodamo i obrazovanje, osobine koje krasi većinu žena, i dobar razvojni plan, ne bi nas trebalo biti strah konačno glasati za promjene, glasati za žene!“

2.

Amila Omersoftić, predsjednica Udruženja za zaštitu deviznih štediša u BiH

„Sve dok se u Bosni i Hercegovini u parlamentima, nažalost, ne gradi efikasna država već se provode politike dogovora muškaraca - političkih lidera, sasvim je svejedno da li u parlamentu sjedi žena ili muškarac. Žene treba da se izbore da u izvršnim tijelima političkih partija bude najmanje 50% žena. Treba podržati žene na listama onih partija na čijem čelu su žene.“

3.

Berin Buturović, pjevač

„U velikom broju slučajeva žene su danas glavni oslonac porodice, uz kombinaciju uspješne poslovne žene, majke, supruge i domaćice, a porodica je oslonac svakog društva. Uz težnju ka potpunoj ravnopravnosti spolova, žene apsolutno zaslužuju više pažnje i veće prilike na predstojećim izborima.“

4.

Senka Kurt, glavna i odgovorna urednica Radija Stari Grad

„Ima i više od 101 razloga zašto glasati za ženu, ali evo onih (meni) najvažnijih: zato što su našoj politici konačno potrebne žene rasterećene političkih klanova, loših ideologija, karijera bez pokrića. Toga ima, vjerujem, i među muškarcima, ali sorry, niko nam to još nije dokazao, pa mi ostaje da sumnjam. Za žene treba glasati zato jer su političarke rijetka pojava kod nas. Jer su proteklih 22 godine demokracije bile samo nužan broj i kvota. Ako ne glasate za ženu propustit ćete priliku da osjetite šta je ženska ruka, energija, volja. Nije valjda da ne želite živjeti bolje?!“

5.

Željka Mihaljević, novinarka i nevladina aktivistkinja iz Livna

„Ako hoćemo promjene, moramo glasovati za žene! Muškarci su pokazali koliko (ne) znaju, koliko neće, koliko su samoljubivi i isključivi, koliko su nespremni za kompromis i dogovor.“

6.

Kada glasamo za žene, biramo toleranciju, kompromis, ljubav, biramo odgovornost, upornost, socijalnu osjetljivost, nenasilje, sretnije djetinjstvo i bolju budućnost, više vrtića, opremljenije škole i ambulante, gradske parkove i igrališta, dječji dodatak, skrb za stare i nemoćne... zar je to malo?! Sa ženama ćemo u Europu, a s muškarcima ostajemo tamo gdje jesmo - na margini zbivanja, u predvorju demokracije, u čekaonici na bolje sutra.“

Amra Ekmečić, voditeljica Radija Stari Grad

„Zato što nema niti jednog razloga da nastavimo sa dosadašnjom praksom isključivanja žena iz političkog života BiH. Zato što su žene upornije, odgovornije, fleksibilnije, organizovanije, zato što se uhvate u koštac sa problemima i ne odustaju dok ih ne riješe. Muškarci su imali šansu i nisu je iskoristili. Vrijeme je da žene pokažu šta mogu učiniti da nam u BiH bude bolje... svima!!!“

7.

8.

Mišo Bartulica, pjevač

„Zar postoji dilema? I 'najvažnije odluke' u 'najvažnijoj državi' EU donosi žena!“

9.

Elvis Kurtović, tekstopisac, kompozitor i kolumnista

Žene su dobre domaćice. One odu na pijacu, pažljivo biraju paprike i paradajz, kuhaju zdravu hranu za svoju porodicu...

Muškarac, ako odmah ne dadne platu svojoj ženi, obično ode u kafanu, časti društvo i sve potroši. Kad stanete pred glasačku kutiju dobro razmislite da li biste više voljeli da vam pare od kućnog budžeta stoje kod tate ili kod mame?“

10.

Haris Dučić, novinar

„Na lokalnim izborima treba pokazati građansku odgovornost ali istovremeno i mudrost. Glasovi za žene će sasvim sigurno unijeti potrebnu svježinu u sumornu društveno-političku stvarnost i bitno uticati na čistoću bh. političkog miljea. Birajući ženu otvaramo jednu potpuno novu dimenziju u strukturi jedinica lokalne samouprave, spolna izbalansiranost donosi sasvim novi način kulture dijaloga koja se zasniva na ozbiljnijoj snazi argumenata. Umjesto blijedih nastupa muškaraca koji nerijetko potenciraju u prvi plan gard, fizičku superiornost, galamu, bahatost i totalno neznanje o temama i idejama koje beskompromisno zastupaju, zaista bi bilo zanimljivo vidjeti na sjednicama općinskih vijeća više žena jer se one u većini slučajeva oslanjaju na serozniju pripremu, daleko bolju retoriku, kulturniji i odgovorniji pristup potkrijepljen dubljim analizama koje automatski nude konkretnija, racionalnija i prihvatljivija rješenja. Žene u procesu odlučivanja najčešće pokazuju više moralne i materijalne odgovornosti, što bi političkim partijama koje u principu ne nude ništa novo, mogao bez sumnje biti važan iskorak u osvajanju političkih poena.“

Također, aktualna politička situacija koja zahtijeva korjenite i brze promjene a pri tome ne nudi nikakvu nadu da će se promjene zaista desiti, otvara veliki i važan prostor za ženu da ponudi zdraviji koncept, bez ikakve hipoteke, i učini ovdašnju prljavu i mračnu zbilju mnogo čistijom i svjetlijom jer je više očigledno da joj nedostaje 'ženska ruka'.

Konačno, nakon toliko razočarenja, neuspjeha, promašaja i autogolova, muškarci nas teško mogu uvjeriti da možemo proći u drugo kolo, pa se potpuno opravdano nameće zaključak kako žene definitivno zaslužuju šansu da istrče na teren i zagraju a svaki dobar rezultat će ih etablirati na mjesto koje zaslužuju.

Uvjeran sam da su žene uvijek svjesne dobro poznate poslovice 'Propuštene šanse se nikad ne vraćaju', koja, osim u ljubavi, vrijedi i u svim segmentima života i da će svoju priliku znati iskoristiti i u politici."

Nura Bazdulj-Hubijar, književnica

„Zanimljiv je naslov svjetskog bestsela dr. Johna Graya 'Muškarci su sa Marsa, žene su sa Venere'? Zapravo, na neki način potvrđuje poslovicu Nomen est omen. Muškarci su u vječnoj borbi, ženi život znači ljubav. Žene čak imaju nečeg božanskog u sebi, sposobnost da donose novi život. Za svaku majku je dijete centar svijeta, kosmosa i nema te majke koja bi željela poslati dijete u rat. Usudujem se ustvrditi da, kada bi žene vladale, ratova ne bi ni bilo.

Žene potpuno neopravdano zovu slabijim spolom, a i njima samima, kao i muškarcima, jasno je da su ustvari jače. I ne samo jače. Ne donose ishitrene i nepromišljene odluke, razmišljaju dublje i hladne glave, ni one odluke koje donesu nisu neopozive, lakše se dogovore, lakše nađu kompromis. Emotivnije su, imaju više suosjećanja za one koji iz bilo kojeg razloga pate, a muškarci na sentimentalnost gledaju kao na nešto gotovo sramno. Bože dragi, muževnost i sentimentalnost su nepomirljivi. Muškarci pate da se dokažu i sebi i okolini, često su pretjerano ambiciozni čak i kad za to nemaju pokrića, tvrdoglavi i brzopleti, često se pravdaju muškom sujetom i ponosom. Ustvari, više je ponosnih a manje sujetnih žena. Zbog kompletnog intelektualnog, mentalnog, a osobito emotivnog sklopa, žene smatram neuporedivo boljim izborom za nosioce vlasti i vjerujem da bi ovaj svijet bio i mirniji i bolji i ljepši kada bi ga vodile one. Narode, sve ste opcije isprobali u ovoj prelijepoj a nesretnoj zemlji. Pokušajte sa ovom – na izborima dajte svoj glas ženama. Pa i kad biste se prevarili, barem ste na to navikli. A nećete. Garant!"

Boris Šiber, urednik Omladinskog programa FTV-a

„Na prvom mjestu zbog balansa. Vidimo da su već dvadesetak godina, skoro 100% političara koji nam kroje sudbine, muškarci. Šta smo dobili a šta izgubili njihovim radom, to je očito. Znam, da je bilo barem četvrtina žena, bilo bi više kompromisa a manje inata i zatucane samovolje. Da je bilo polovina žena, danas bi naša domovina izgledala mnogo ljepše i mnogo više bi nas imalo posao.

Na drugom mjestu zbog toga što sam uvjeren da žene više cijene život nego muškarci, pa samim time ne bi dozvolile da naša mladost izgubi dvije decenije dragocjenog života i bježi u inostranstvo. Na kraju krajeva, 'sve na svijetu rodila je majka', tj. žena."

11.

12.

13.

Saša Madacki, direktor Centra za ljudska prava

„Zato što mogu pokrenuti inicijative koje su sadržane u Evropskoj povelji o rodnoj ravnopravnosti na lokalnom nivou, koja sadrži zanimljiva rješenja ključnih problema sa kojima se suočavaju žene, a koje neko ko nije žena može vidjeti kao trivijalnost."

14.

Amra Ekmečić, voditeljica Radija Stari Grad

„Mislim da je pametno da gledamo istraživanja obavljena zadnjih decenija:

- žene brže razmišljaju (brže refleksne radnje)
- imaju jaču intuiciju (razvijenija intuicija u odnosu na muškarce)
- za politiku je bitno to što imaju pomirljivije tonove, brže se mire nego muškarci
- ljepše izgledaju, i muškarci pred njima ne mogu biti odvrtni i grubi kakvi znaju biti u muškom društvu
- žene žive duže od muškaraca, pa će i politički aktivizam biti duži."

15.

Mato Đaković, urednik i voditelj emisije „Telering“

„Kada izađem na izbore imam ću na umu poštenje moje majke, ljubav moje supruge i pamet moje kćerke... sasvim dovoljno da glasam za žene."

16.

Maksida Pirić, glasnogovornica CIK-a

„Rukovodeći se onom starom izrekom da je 'žena stub svake porodice', smatram da bi mogla biti i 'stub države' i da bismo to trebali iskušati u praksi."

17.

Haris Pašović, direktor East West Centra

Ne mislim da treba glasati za bilo koji spol, radi se o tome da treba izabrati osobu koja nudi program, razumijevanje za lokalnu zajednicu i koja ima volju da pomogne zajednici. Treba glasati za one koji će učiniti da nam bude bolje, bio to muškarac ili žena."

18.

Tarik Filipović, glumac

„Da je bilo više žena u politici, tj. da je bilo više vladarica, predsjednica i kraljica, sigurno bi bilo manje ratova. Žene donose na svijet ono najvrednije i najljepše, donose život. Trebali bismo prožeti i propeti kroz politiku i žene, trebali bismo im dati više prostora u politici."

19.

Svetlana Cenić, ekonomska analitičarka

„Verujte da mi je jako teško da kažem bilo šta. Malo je časnih izuzetaka na našoj političkoj sceni i ja samo mogu napisati takvima pismo podrške. tražiti da pozovem da se glasa za žene, znači pozvati da se glasa i za neke koje iz Vođine stražnjice

izvire tek toliko da poprave frizuru eventualno. Pozivati generalno da se glasa za žene znači podržati i one koje svakodnevno šire mržnju, nacionalnu i versku netoleranciju. Takođe, u zadnje vreme ne samo da žene nisu imune na nepotizam već je strašno gledati kako se sinovi i kćeri raspoređuju. Izvinite, ali ja samo mogu svetlim primerima da uputim moje poštovanje i podršku, bez obzira na nacionalnu i versku pripadnost ili politička ubeđenja.

I na kraju, kako da pozovem da se glasa za žene, bez nekog kriterijuma, kad iste te partijske poslušnice ne samo da glasa nisu dale od sebe kad su me ostavljali bez posla i najbrutalnije maltretirali i mene i moju kćerku već su svom vođi, šefu, ili šta već, obilato u tome asistirale?

Još jednom oprostite, ali svoju podršku dajem onima zbog kojih sam ponosna što sam žena, primerima čovečnosti a njih poimenice mogu da nabrojim, te ne mogu sebi da dozvolim da stavljam njih u istu grupu sa onima koje postoje da vođi skidaju perut i govore mu kako je divan, gazeći sve pred sobom. Nije fer staviti ih u istu rečenicu, a kamoli u istu kampanju i pozivati jednako da se glasa i za jedne i za druge."

Bisera Hašimbegović, PR Informativni centar BIHAMK-a

„Zaboravimo 'pravilo' da muškarac mora biti ministar, načelnik... dobar političar. Žene su odgovornije i transparentnije. Zato, glasajmo za ženu!"

Nihad Mameledžija, kuhar, autor knjige "Moj kuhar"

„Mislim da je došlo vrijeme da žene preuzmu ozbiljniju ulogu u politici, često su pametnije od muškaraca, imaju više karaktera, tj. manje su sklone porocima i raznim lopovlucima i kao takve trebale bi da probaju spasiti BiH i izvuku je iz krize ako je to uopšte moguće."

Mersiha Novalić, glasnogovornica Federalne uprave policije

„Kada kupujemo avionsku kartu ne pitamo da li pilotira žena. Ne odbijamo operaciju ukoliko je glavni hirurg žena. Ne prestajemo dijete slati u školu ukoliko predmete predaju profesorice. Ne odbijamo posao samo jer je poslodavac žena. Žene su nebrojeno puta dokazale ne samo ravnopravnost nego i nadmoć u brojnim poslovima. Izvanredne su policijske službenice, ovladale su svijetom glume, vanserijske su poduzetnice, naučnice, odlučne direktorice, astronautkinje, izumiteljice, novinarke i šta sve ne. Istovremeno su majke, supruge, sestre, bake i kćerke. Vrijeme je da BiH dobije premijerke, ministricе, načelnice, šefice policijskih agencija, rukovoditeljice uprava i instituta, zastupnice, gradonačelnice. Na građankama i građanima je da prestanu diskriminirati žene u politici, već da svojim glasovima konačno daju povjerenje kandidatkinjama na predstojećim izborima."

Ademir Kenović, režiser

„Prije svega - mislim da je potrebno imati balans u broju žena i muškaraca koji će biti izabrani da nas predstavljaju - u ovom odnosu izabranih predstavnika građana u organe vlasti žene su u neravnopravnom položaju.

20.

21.

22.

23.

Katastrofalna situacija u kojoj se nalazi država je rezultat rada ogromne većine muškaraca u politici - pa je logično da bi možda bilo dobro vidjeti kako bi bilo u situaciji u kojoj bi u politici bilo mnogo više žena....

Normalno, to uveliko ovisi od žena samih, od njihove stručnosti, političke vještine i ambicije da se potpuno posvećeno bave nečim što je užasno komplicirano i u našoj situaciji potpuno smješteno u nelogične okvire i postavljeno na pogrešne temelje te onda od toga kako se nametnu, izbore, i 'osvoje' buduće pozicije kao predstavnice stanovnika, građana, naroda BiH...

Istina, primjeri koje često vidimo u parlamentu ne garantiraju da se sve kod nas može popraviti promjenom spolne strukture, jer smo veoma često svjedoci agresivnih, isključivih i neukih aktivnosti delegata žena, ali u svakom slučaju mislim da trebaju postojati preduvjeti za ravnopravnost u spolnoj, kao naravno i u svim ostalim strukturama..."

Naida Kundurović, medijska ekspertica i humanitarka

„Smatram da je odgovor na pitanje zašto glasati za ženu na lokalnim izborima vrlo jasan, a izložit ću ga što konciznije, u nekoliko tačaka.

Sadašnje stanje u bh. politici je katastrofalno, sa vrlo malim učešćem žena.

Broj imenovanih i izabranih žena u parlamentu i drugim organima vlasti je nesrazmjern njihovom broju u ukupnoj populaciji (52%), a u politici sudjeluju sa svega 17, 01%.

Izborni zakon BiH ističe da najmanje jedna trećina kandidata na listama trebaju biti osobe ženskoga spola.

Misija OESS-a podržava usklađivanje Izbornoga zakona BiH sa Zakonom o ravnopravnosti spolova, koji definiira ravnopravno sudjelovanje žena u politici, gdje je osigurano sudjelovanje od najmanje 40% za slabije zastupljeni spol.

Na kraju, žene su u pravilu stabilnije, odgovornije i temeljitije od muškaraca i ukoliko preuzmu neku političku funkciju neće gledati samo kroz materijalnu dobit, već zaista da se preduzmu neke akcije i dođe do promjena.

Vjerujem i znam da mi u BiH imamo dosta snažnih i sposobnih žena koje mogu postaviti državu na pravo mjesto i odstraniti diskriminaciju koje naše tradicionalističko društvo nalaže."

24.

Dunja Jelovac, urednica na Radiju Federacije BiH

„Zato što su žene, baš kao i muškarci, u svim aspektima života, podrazumijevani dio društva.

Žena je društvena, biološka pa tako i politička činjenica.

Nedopustivo je a i neproduktivno isključiti ženu iz političkog života zemlje.

Ne zagovaram jednakost jer ona među biološki različitim organizmima (kao što su ženski i muški) niti je moguća niti poželjna ali vjerujem u jednakost različitih jedinki u pravima.

Glas za ženu je glas za različitost jednaku u pravima.

Neotuđivo je pravo žene da bira i da bude birana.

Stoga se podrazumijeva da osviješten i odgovoran glasač glasa za ženu."

25.

Vanja Elezović, novinarka

„Temeljni razlog zbog kojeg treba glasovati za žene jest činjenica da ih sve političke stranke na liste stavljaju 'pro forme' jer moraju zadovoljiti zakonsku kvotu od 30%, a da ih čak i kada budu izabrane, tj. dobiju potreban broj glasova birača, stranački čelnici (uglavnom muškarci) nikada ne kandidiraju na neku od izvršnih dužnosti. Smatram kako žene zaslužuju šansu jer su spremnije na kompromise i manje egoistične od muškaraca, te bi mogle umnogome doprinijeti stabiliziranju kaotične političke scene u BiH.“

26.

Almir Čehajić Batko, radijski voditelj i humanitarac

„Treba glasati za žene zato što su žene puno umjerenije od muškaraca, zato što nemaju namjeru da obezbijede svoje unuke, zato što se ne igraju velikih vođa. Da se žene pitaju nikad ne bi bilo ratova a njihova frustracija i nervoza prođe vrlo brzo.“

27.

Enes Begović, pjevač

„Muškarci otkad su na vlasti nisu učinili ništa. Donekle govorim i protiv sebe, međutim, samo sam objektivan i mislim da bi ženama trebalo dati više prostora. Većina žena su apolitične, tako da bi bolje vodile politiku od muškaraca zbog toga što nemaju neke predrasude koje mi muškarci, ovakvi kakvi jesmo, imamo. Govorim, naravno, u množini jer pripadam ovoj drugoj strani, ali moram da budem realan. Mislim da bi konačno trebalo da se ugledamo na najveće države svijeta kao što su Amerika, Njemačka, da žene preuzmu neke od vodećih uloga u vođenju države i bavljenju politikom. Apsolutno podržavam sve aktivnosti za promovisanje žena u političkom ambijentu da zauzmu što bolji položaj.“

28.

Enver Lugavić Kice, pjevač

„Zašto bismo trebali, ljudi, glasati za ženu? Pa čini mi se da su žene nekako odgovornije samim tim što su žene i majke. Imam osjećaj da bi se zbog te neke odgovornosti koje majke osjećaju prema djeci vjerovatno puno odgovornije osjećale prema društvu nego muškarci.“

29.

Adnan Šaran, grupa SKROZ

„Dosad su muškarci vodili politiku i nisu se nešto pokazali, pa ženama treba dati šansu. Treba im dati šansu jer su one svjesnije, znaju šta znači donijeti život na svijet.“

30.

Dženan Hadžović, grupa Zona isključenja

„Dosad žene nisu imale mogućnost da nas vode, vrijeme je da dobiju priliku. Gore od ovog ne može.“

31.

Adis Midžić, grupa REMARK

32.

„Žene su stub svake porodice, one mogu biti stub društva, a društvo je temelj države, i zašto da žena ne bude na čelu države ili opštine? Žene su odlučne, hrabre, i kada im se pruži šansa u većini slučajeva je iskoriste.“

Emir Cocalić, voditelj RSG-a

33.

„Kad se sve oduzme, sabere, pomnoži i podijeli, ostaje samo da nas žene izvuku iz teške situacije u kojoj se BiH nalazi. Muškarci se druže, sastaju, i ništa se nisu uspjeli dogovoriti. Bilo bi lijepo da nam u Predsjedništvu sjede tri žene, ako ništa, bilo bi ih ljepše vidjeti. Znam u svom okruženju žene koje rade poslove bolje od muškaraca, kad uzmu posao onda ga i završe. Treba vidjeti, pa muškarce mijenjati za žene.“

Dunja Blažević, historičarka umjetnosti i kustosica

34.

„Zašto ne glasati? Žene su prisutne i ravnopravne u svim obrazovnim institucijama i normalno je pretpostaviti da budu dio, polovina vlasti, ukoliko gledamo i visokoškolske ustanove, visoko obrazovanje, tu je pola-pola. Razlog slabijeg prisustva žena u politici može biti patrijarhalnost, kao i nepovjerenje prema ženama. Ukoliko pogledamo strukturu žena koje rade u kulturnim institucijama, primijeti se da na mjestima moći, na mjestima gdje se odlučuje, nema žena. To je nepravda, jer da bi se žena profilirala ona mora biti puno bolja od muškarca, a i to joj ponekad ne pomaže. Žene su odgovornije na javnim funkcijama, jedna od ilustracija jeste i vlast. To je muška vlast! Ne želim da generalizujem da su žene bolje od muškaraca, ali je neobjašnjivo da imamo takvu strukturu vlasti.“

Aleksandar Hršum, urednik i voditelj TV emisija

35.

„Britanski novinar Tajner kaže: 'Pošto nam je jasno da u politici ne ide sa 'mudonjama', šta mislite da više glasamo za žene', pa možda i mi da pokušamo dati svoj glas ženi na izborima u oktobru 2012. godine.“

Irina Kapetanović, pjevačica

36.

„Naše žene su doktorirale iz predmeta 'napraviti nešto ni od čega', to nam je postao životni stil. Sigurna sam da bi izbalansirano stanje u vladi (jednak broj muškaraca i žena) donio balans i u državi, jer ovako više očito ne ide.“

Seid Memić Vajta, pjevač

37.

„Ne bih razlikovao glasanje za žene i muškarce, to je stvar sposobnosti, stvar osobe, afiniteta u svakom smislu. Nije važno da li se zove Mehmed ili Munira, važno je da ima sposobnosti, pa bila to žena ili muškarac. Ako može biti dobra domaćica, može biti i dobra političarka. Podržavam ravnopravnost. Samo ravnopravnost.“

Hanka Pal dum, estradna umjetnica

„S jedne strane žena je osjećajna, suptilna, jer je majka, neke stvari ne prepušta slučaju, zato je za mene žena odgovornija a, s druge strane, stavlja jaram na vrat. Postoje razlozi zbog kojih bih stavila ženu ispred muškarca ali ima i situacija kada bih muškarca stavila ispred žene jer ne kaže se uzalud da je muškarac jači spol.“

38.

Emir Bukovica, muzičar i lider benda Emir & Frozen Camels

„Svojim glasom za žene na predstojećim lokalnim izborima u BiH dokazali bismo da vjerujemo da jake žene mogu povesti ovu zemlju i ljude u njoj u bolju i toliko očekivanu svjetliju budućnost. Žena je, pored toga što je najljepša Božija kreacija, oduvijek bila siva eminencija velikih 'muških' uspjeha i najjači stub naših porodica, a država bi trebala biti jedna skladna i uspješna porodica. Na kraju, žene zaslužuju šansu u politici i zbog toga jer ženski glas, kao glas svakome najdražeg bića - majke, može biti jak, ali istovremeno i pravedan i relaksirajući u uvijek nemirnoj i turbulentnoj politici, vlasti i situaciji naše države Bosne i Hercegovine.“

39.

Željko Ilić, vlasnik i direktor Radija OSM

„Žene su veoma odgovorne i u poslu i u politici. Imaju jako izražen majčinski instinkt i zbog toga su okrenute djeci i njihovoj boljoj budućnosti. Zbog toga su uvijek protiv ratova, nasilja, i svih vidova razaranja i destrukcije. Takođe su protiv svih vidova bolesti zavisnosti: droge i alkohola. U BiH ima oko 60% ženskog stanovništva a kao rukovodeći kadar i kao političarke su zastupljene manje od 20%, što je klasična neravnopravnost spolova. To treba sistemski rješavati u budućnosti. Podržavam svaku inicijativu u tom pravcu.“

40.

Dženan Hodžić - Dr Zo, reper

„Da popravimo situaciju, treba raditi više stvari u jednom trenu. Ljepši spol to izvesti može, zato glasaj za ženu!!!“

41.

Sulejman Kupusović, reditelj

„Evidentan razlog je što muškarci rasturaju svoju državu, ne vjerujem da bi žene uradile to isto.“

42.

Haris Džinović, pjevač

„Podržavam afirmaciju žene u svakom pogledu.“

43.

Emina Zečaj, interpretatorka sevdalinke

„Ne bi bilo loše da i žene pokušaju. Neka promjena mora biti, pa da pokušamo i sa ženama, ako ne bude valjalo onda i njih smijeniti.“

44.

Slavo Kukić, profesor na Ekonomskom fakultetu Sveučilišta u Mostaru

„Iz mase razloga zašto glasati za žene izdvajam jedan kojeg nitko normalan ne može dovesti u pitanje - iskustvo vladanja u prethodnih četvrt stoljeća. To vrijeme je, naime, obilježila vladavina muškaraca. Ako se, pak, ono secira, u pitanju je vrijeme ispunjeno nedostatkom osjećaja za druge i drugačije, izostajanjem elementarne spremnosti na toleranciju, nebrigom za život obična čovjeka, lopovlukom i pljačkom - i sve to, tobože, zbog interesa vlastitog naroda, kolektivnim nasiljem i mržnjom. Ako je tako, vrijeme je da se toj ljudskoj vrsti kaže 'dosta'. I da se, sukladno tome, ukaže šansa drugima - onima kojima se ta vrsta povijesne odgovornosti ne može spočitavati, bh. ženi. U ovom momentu sam, hoću reći, gotovo pa siguran da bi rješavanju nagomilanih problema ovog društva one pristupile na nov način - ne kao Srkinje, Hrvatice ili Bošnjakinje nego kao osobe koje građane svoje države žele učiniti dijelom velike europske obitelji.“

45.

Haris Bilalović, TV i radijski voditelj

„Živimo u dobu inkluzivne demokratije koja, između ostalog, garantira ravnopravnost muškaraca i žena u političkom životu. Predstojeći lokalni izbori u našoj zemlji su povoljan trenutak da bh. društvo odbaci predrasude o ženi u politici i redefiniira svoj odnos prema javnoj i privatnoj sferi. Uvjeren sam da ženski princip djelovanja ima kapacitete kojima može doprinijeti preporodu atrofirane političke scene Bosne i Hercegovine. Vrijeme je za renesansu, vrijeme je za ženu!“

46.

Selma Alispahić, pozorišna i filmska glumica

„Glasajte za ženu zato što su se muškarci pokazali na djelu!“

47.

Jasna Ornela Bery, glumica

„Prije svega ne vidim zašto bi biti na rukovodećim mjestima bila privilegija samo muškaraca. Gdje je tu ravnopravnost spolova? Žalosno je da se i danas još uvijek borimo za tu vrstu ravnopravnosti. Ali isto tako mislim da ne snose samo muškarci odgovornost zašto je to tako. Zaboravljamo da smo ih mi žene tako odgajale. Vrijeme je da se to promijeni. Jedan od razloga da glasamo za njih je što ima mnogo pametnih, sposobnih žena, koje imaju viziju i politički stav s jasnim ciljem i koje bi mogle ravnopravno s muškarcima doprinijeti boljoj budućnosti. Uz to mislim da su žene na neki neki način i socijalno osjetljivije. Birajmo one koje su sposobne a ne one koje su podobne. Ne zaboravimo da su žene najveće glasačko tijelo. Zato podržavam ovu inicijativu i, žene, ne zaboravite, u vama je ključ.“

48.

Arduana Pribinja, TV voditeljica Al Jazeera Balkans

„Zato što žena ima sva prava kao i muškarac, imaju jednaka prava da biraju. Muškarci su imali dovoljno vremena i prostora da poboljšaju situaciju u zemlji, kako političku tako i ekonomsku, treba i ženama pružiti priliku da pokažu šta mogu i šta znaju. Žena svojom snagom i intuicijom može popraviti ozračje u BiH, a ne treba zanemariti ni činjenicu da je u svijetu sve više žena koje su liderke u svojim zemljama. Apeliram na građane da iskoriste svoje pravo i da izađu na izbore i glasaju.“

49.

Enver Puška, pisac, scenarista, režiser i kompozitor

„Ukoliko uzmemo onu staru narodnu da je žena 'stub porodice', zašto ne bi bila i stub države? U zadnjih dvadesetak godina su vladali muškarci, i nisu se pokazali, vjerujem da bi žene bile plemenitije i više razmišljale o porodici, o državi.“

50.**Mladen Jeličić Troko, sarajevski glumac**

„Ja jesam po vokaciji 'homo balkanicus', dakle, u startu smatram da ženska i muška logika idu u istom pravcu, ali se nikada ne dodirnu, kao tramvajске šine. Nisam baš sklon ni feministkinjama, smatram da postoji niz razlika između žena i muškaraca, da postoje ženski i muški poslovi... Tu zastadoh, okreni-obrni, skontam da se moje razmišljanje nikako ne poklapa sa mišljenjem većine predstavnika muških u mojoj mi jednoj i jednoj BiH. Jedan znatan broj tih, uvjetno ih zovimo političara, tvrde da nema Bosne, a ja tvrdoglavo na osnovu šezdesetak godina kontinuiranog učenja tvrdim da je bila, da je još uvijek ima i u glavama i svijesti čak i onih koji naglas tvrde suprotno. A nekako sam siguran da će je i biti. Ako me pitate kada, moj je odgovor – kada u politici bude znatno više žena. One su razumnije, tolerantnije, one su uostalom majke i na svijet donose mladunčad koja su osnovni razlog postojanja – osiguravaju prođužetak vrste. E ako majke ne spase BiH, ja ostajem bez nade. Eto, čak je i riječ nada ženskog roda, država je ženskog roda, tolerancija također. Znam da je ogroman broj muškaraca bezrazložno siguran u svoju intelektualnu superiornost, do te mjere da je to smiješno. Znam da živim u zemlji gdje su roditelji branili ženskinju da ide u školu, tako da su ostajale neobrazovane. O nekim drugim običajima ne bih iz razloga što takva diskusija ne donosi rezultat, a priskrbljuje veliki broj neprijatelja. Za potpuno razumijevanje stanja u BiH napravio sam mali test. Objavio sam krajnje neuljudan i omalovažavajući vic o ženama i postavio ga kao svoj status. Evo kako to izgleda u stvarnosti, s tim da je većina ljakova došla od ženskog življa i samo jedna negativna opaska: 'Harry Potter došao u Bosnu i otvorio školu za čarobnjake. Prijavi se Mujo i poslije par predavanja imaju prvi test. Pita Harry: 'Kako ćeš pretvoriti kokoš u zmiju?' Mujo k'o iz topa: 'Pa oženiš je.' Njih 92 je reklo da im se ovo sviđa a evo i jedinog negativnog komentara – Neda Popović: 'Izvini, T, ali nije. Nemoj ženiti kokoš – ženi ženu.' Sada se iznenadite: dvije hemisfere mozga povezuje dio orašastog oblika corpus callosum, vez i laički rečeno usmjerivač primljenih informacija. Kod odraslog muškarca je moguć primitak samo jedne informacije, a kod žena veći broj. Dakle, po logici stvari su brže i mogle bi znatno brže rješavati probleme i urgentne stvari. Osim toga, žene su bile te koje su od pamtivjeka čistile i uređivale kuću, pa je i to razlog da vjerujemo da će počistiti sav šljam iz politike. Smrt fašizmu i muškom šovinizmu. Srdačan pozdrav sa nadom u bolja sutra, Troko.“

51.**Daniela Golijanin, PR**

„Postoji milion i jedan razlog zašto glasati za ženu. Odrasla sam u porodici, sredini, prije svega gradu, gdje se žena poštovala, kao majka, baka, nana, učiteljica, doktorica, itd. a danas smo malo, prije svega žene, umorne od, narodski rečeno, 'nosanja' sa bahatim i sebičnim političarima bez manira (imenovanim licima, autoritetima raznih profila), koji su očigledno izgubili kompas u svakom pogledu, pa i u najjednostavnijem ophođenju prema kolegicama kao damama. Stoga bi par obrazovanih, dokazano sposobnih dama, mnogo doprinio da pokažemo da politička scena Bosne i Hercegovine nije predodređena samo za 'muški svijet' i iskreno se nadam da ćemo to našim glasovima i postići. Iskreno navijam i ne sumnjam u 'naše' žene.“

52.**53.****Damir Fišo, magistar komunikologije i maneken**

„Zbog toga što su žene mnogo racionalnije od muškaraca i hladne glave donose prave odluke, dok su muškarci uvijek 'nabijeni' testosteronom i jedva čekaju da napadnu jedan drugog i jeste nam ovakva politička situacija. Kada bi bilo više žena u politici, Bosna i Hercegovina bi bila mnogo bolja zemlja za življenje, i na idućim izborima svoj glas ću dati ženi!“

54.**Arma Tanović, glumica**

„Naše društvo, a s njim i politička scena, u svojoj je suštini konzervativno-patrijarhalnog kolorita, gdje se zapravo javlja strašna netolerancija prema svemu što je kosmopolitsko i prema svemu što je drugačije, što je odlika političke 'desnice'. U takvom društvu, ne samo u Bosni, žena može imati obrazovanje ali ne i moć! Moć pripada muškarcu, ona je njegova primarna strast. Tradicija i zloupotreba religije ovdje ide muškarcu u prilog. Žena koja prati balkanskog moćnika je obično njegov trofej, lovina. Zašto bismo to mijenjali? Zato što je muškarac arhetipski lovac i ratnik a lova na plijen i ratovanja u istoriji ove zemlje imamo i previše. Žene posjeduju mudrost, sposobnost organizacije doma, empatiju majčinstva, vještinu komunikacije... Da li je to dovoljno za liderstvo? Da li je sintaksa 'Iza svakog jakog muškarca stoji jaka žena' staromodna? Ako je tako jaka zašto ne bi stajala korak ispred njega?!“

55.**Zekerijah Smajić, novinar i publicista, direktor SMNN**

„Ženama treba davati povjerenje uvijek, ne samo na izborima! Jer žena, kako je govorio Andrić, stoji kao kapija, na izlazu kao i na ulazu ovoga svijeta. Nemam, naravno, nikakve dokaze 'izvan svake osnovane sumnje' da je Bosna i Hercegovina u latentnoj krizi samo zbog toga što na vodećim funkcijama nema više žena, ali da bi sa ženama na vlasti svaki problem bio rješavan s mnogo više senzibilitnosti, u to nimalo ne sumnjam. Znam za brojne tvornice, institucije, organizacije, ambasade i države u kojima se žene pitaju i neuporedivo su efikasnije od sličnih u kojima dominira čvrsta pesnica muškarca. Ja bih ženama koje imaju dokazanu sposobnost predao svu vlast. Jer, kuća bez žene je mlin bez vode, kaže jedna armenska poslovice.“

56.**Amel Mekić, sportista**

„Prednost žena u politici je u tome što su dugotrpeljive, spremnije da istraju u borbi protiv sitnosopstveničkih interesa, ali i manje sujetne. Možda je potencijalno najveća prepreka odnos muških stranačkih kolega koji u ženi poslanici vide saradnicu a ne saveznicu u partijskim i drugim aktivnostima. Iz mog ličnog iskustva mogu zaključiti da su žene bolji poslovni partneri, odgovornije, istrajnije i veći perfekcionista od muškaraca. Samim time što čine više od polovine ukupne populacije trebaju da imaju pravo na veću zastupljenost u predstavničkim i izvršnim organima svojih država.“

Nada Đurevska, glumica

„Valjda nam je u interesu da glasamo za najbolje.“

57.

Mirza Tanović, glumac

„Moj privatni život implicira spoznaju da su žene vodilje u životu, zašto ne bi bile i u politici? Dominacija muških nas je dovela do nulte tačke, zašto onda ne dati priliku ženama?“

58.

Enis Bešlić, glumac

„Nisam za podjele jer podjele impliciraju diskriminaciju. Ja sam za samo jednu vrstu podjele, a to je da se ljudi dijele po sposobnostima i kompetencijama, kao i za podjelu na dobre i loše ljude.“

59.

Vladimir Đorđević, glumac

„Zato što su emotivnije, osjećajnije i imaju više razumijevanja za probleme u lokalnoj zajednici.“

60.

Jasna Diklić, glumica

„Zašto je potrebno toliko kampanja i lobiranja da bi se uspostavila sasvim normalna stvar? To u zemljama istinske demokratije ne bi bilo upitno. Po meni, nema spolova, postoji samo kvalitetan čovjek.“

61.

Vedrana Seksan, glumica

„Potrebno je glasati za ljude koji će biti na pravom mjestu, podobni i kompetentni, nezavisno kojeg su spola.“

62.

Svetlana Andrić, glumica

„Žene nisu zastupljene u tolikom broju na političkoj sceni, i ako im dajete ravnopravnost onda im morate dati priliku da vode ovu zemlju. Žene su realnije, nisu konfliktnije i mogu da pariraju sa muškarcima u tom svijetu.“

63.

Marko Vešović, pisac

„Danas se čini da je to prije sto godina bilo, govorio sam studentima da sam za manjinu, a to ti je da sam za obojene protiv nas bijelaca i da sam za žene a protiv nas muškaraca. Stoga, ja ću kao primjer navesti svoj odlazak u Stokholm. Rezervisao se parlament grada Stokholma, predsjednica nam je rekla da su od 100 poslanika 49% žene, 51% muškarci, s tim da je predsjednica parlamenta žena.“

Ukratko, ja mislim da nema sreće dok ne dođe do potpunog oslobođenja robovlasničkog dijela čovječanstva, tj. žena. Istorija je do sada pravljena kao lice muškarca. Vidimo šta su napravili, možda nas krene karta ako nas oslobode žene i ako one budu učestovale u pravljenju istorije.“

64.

65.

Svetlana Broz, književnica i humanistkinja

„Zato što su u BiH muškarci već pokazali šta ne znaju, ne umiju i ne žele, a žene još nisu pokazale šta znaju, umiju i žele.“

66.

Ferida Duraković, književnica

„Ja bih za žene glasala ne samo na lokalnim nego i na općim i svim izborima, uključujući čak i izbor za miss! Ovo je bila šala, ali ozbiljno – valja stalno ponavljati – treba glasati za žene!, sve dok loši učenici (a posebno učenice!) ne nauče životnu lekciju: žene su doista bolja polovina, ali ne muškarca nego čovječanstva (koje se, usput, vidite, zove čovječanstvo a ne ženočanstvo). To najbolji muškarci odlično znaju i čak ističu kad iskreno iznose svoje stavove i takvi ne treba da se brinu za svoju budućnost – oni su naši partneri i prijatelji jednako kao što smo mi njihove partnerice i prijateljice.“

67.

Ahmet Burek, književnik

„Žene nisu slabiji spol i trebaju biti birane jer postoji faktička neravnopravnost koja je rezultat tradicionalnog društva. Žene će biti birane onoliko koliko društvo bude modernizovano, podignuto na viši civilizacijski nivo. Još uvijek smo mi pretpolitičko društvo.“

68.

Husref Musemić, sportista

„Statistika kaže kako su žene vrlo malo zastupljene u vlasti. Žene su ravnopravne sa muškarcima pa ne vidim razloga zašto ne bi tako bilo i u vlasti.“

69.

Predrag Pašić, sportista

„Ne pravim mentalnu niti bilo koju drugu razliku između žene i muškarca, posmatram žene i muškarce kao osobe i ne vidim razlog zašto ne bi bile ravnopravne.“

70.

Sanja Samardžić, sportašica

„Dovoljno vladaju muškarci, zašto i mi ne bismo pokazale da smo sposobne kao i oni? Nema razlike između žene i muškarca.“

71.

Sead Kajtaž, sportista

„I žene i muškarci su ravnopravni i od Boga dati, pa zašto ne bi bili jednako zastupljeni i u vlasti?“

72.

Jadranka Savić, sportašica

„Glasala bih za žene iz istog razloga iz kojeg bih glasala i za muškarce.“

Abdulah Ibraković, sportista

„S obzirom na vrijeme kakvo je sada, treba glasati za žene! Očekujem da će veći broj žena ući u vijeća. Dosta je korupcije, muškarci su vodeći, treba pomoći ženama da uđu u vlast jer će tako učiniti promjene. Žene su dosta kreativnije od

73.**Nenad Marković, sportista**

„Žene trebaju biti ravnopravne u vlasti, to je način izlaska iz krize. Probali smo ovu varijantu, vidimo da ne funkcioniše, dajte da probamo drugu varijantu.“

74.**Samir Landžo, sportista**

„Ni po čemu ne budimo kao Afganistan, osim po jednoj stvari: zastupljenosti žena u politici.“

75.**Bulend Biščević, sportista**

„Žene su upornije, sve što rade završavaju, za razliku od muškaraca i za muškarce. Živimo u zemlji gdje imamo deficit žena, nadam se povećanju žena na listama i da će veći broj žena izaći na izbore, zato što su žene.“

76.**Duško Bajević, sportista**

„Žene moraju biti zastupljenije u vlasti zbog sposobnosti i drugačijeg načina razmišljanja. Doprinos bi bio veći u svim segmentima ukoliko bi i žene bile procentualno isto zastupljene u vlasti kao i muškarci.“

77.**Mara Lakić, sportistkinja**

„Žene su sposobnije, odlučnije, ne ustručavaju se reći neke stvari u odnosu na muškarce. Žene su sposobnije i u društvu i u porodici, pa čak kompletnije od muškarca.“

78.**Samira Hurem, sportistkinja**

„Zašto se to pitanje uopšte postavlja? Zašto se nikad takvo pitanje ne postavlja kad su muškarci u pitanju?“

79.**Safer Grbić, književnik**

„Svjedoci smo čovječanstva kojega su uglavnom vodili muškarci i gdje se sada nalazimo?“

80.

Čovječanstvo se nalazi na rubu propasti i samo Žena može promijeniti već ispisanu budućnost. Uostalom, Žene su dužne napraviti politički preokret zbog Njihove uloge u društvu, a koju sam opisao u svojem libretu za operu: 'Neki su mu govorili da je Žena - pola čovječanstva, ali da i onu drugu polovicu Žena rađa, naravno (...)' Kako bi se ciklus evolucije nastavio neophodno je glasati za njih, Žene, i dovesti ih do pozicije liderki koje će voditi ratove ljubavi a ne ratove mržnje i stradavanja.“

81.**Pjer Žalica, režiser**

„Za ženu kandidatkinju ne treba glasati zato što to neki zakon propisuje, ili što je 'slabiji' spol nego zato što je odgovorna, pametna, kompetentna i vrijedna osoba. Nažalost, muškarci, a nerijetko i same žene, previše često te kvalitete kod žena ili ne primjećuju ili ignorišu. To je neprihvatljivo. Glasajte za žene.“

82.**Nedžad Fazlija, sportista**

„Zašto da ne, žene nisu ništa manje sposobne, ali same sebe stavljaju u podređen položaj. Ne vidim razlog za kampanju kad žene znaju biti sposobnije od muškaraca.“

83.**Milan Stojić, novinar RTRS-a**

„Jednostavno, žene su ljepše!“

84.**Dželaludin Dželo Muharemović, sportski direktor FK Željezničar**

„Idemo ka modernom društvu, žene su ravnopravne članice i sudionice onoga što se dešava i treba da imaju jednak tretman. Evidentno je da ih ima malo u politici, i to je deset od stotinu razloga zašto glasati. Žene su sastavni dio ovog društva, kada učestvuju u svemu zašto ih ne bi bilo u politici?“

85.**Miljenko Jergović, književnik**

„Kada na izbornoj listi vidite ime nekoga u kog imate povjerenja - glasajte. I ne obazirite se što vam drugi kažu. Nemojte glasati za žene zato što su žene, jer to je isto kao da glasate za muškarce zato što su muškarci. Ali dobro razmislite o tome zašto u nekoga imate povjerenja i ne dozvolite nikad da vaša dobra vjera u nečiju sposobnost ima veze s nečijim hlačama, dubokim glasom, brkovima, bradom ili spolovilom. Osim što ćete svaki put biti prevareni, bit ćete i poniženi svojim krivim izborom. Ako ni u koga više nemate povjerenja, tad obavezno glasajte za žene, kao i za sve one koji će, bez obzira na vaš glas, ostati u manjini. Tako je i pametno i pošteno!“

Nazif Gljiva, pjevač

„Imamo 1.000 razloga da glasamo za žene. One su u kritičnim trenucima razbitije i bolje donose političke odluke, mogu da doprinesu u kvalitetu jer su žene majke, imaju majčinski nagon. Našoj zemlji ne treba pragmatika, nama treba umjerenost jer smo prošli rat i ušli u novi sistem, a unutar BiH imamo ljude koji negiraju državu. Političarke bi na romantičniji, suptilniji način, doprinijele boljoj politici u BiH.“

86.**Ahmed Burić, novinar**

„Ovo je društvo muško, diskriminirajuće i neuspješno, možda bi žene mogle biti prevaga da ono jednom u budućnosti ne bude takvo jer na početku i na kraju ovog svijeta stoji žena.“

87.**Amra Redžić, stilistkinja**

„Glasaću za žene zato što mogu da rade četiri posla odjednom.“

88.**Branka Inić, pravnica**

„Glasanjem za žene zasigurno će se uticati na rodno osviještene politike, koje se mogu preoblikovati radi realizacije ravnopravnosti spolova u odnosu na resurse, i vrijednosti prava, a posebno na izgradnju svijesti i određivanja odgovornosti.“

89.**Jelena Joksimović, glavna i odgovorna urednica magazina Ljepota&Zdravlje**

„Stavimo dvije tačke na zapečaćena usta. Otvorimo ih koliko god da boli i pustimo naš glas! Glas liderke! On je sjajan, on je jak, on je i majčinski, on je glas najbolje prijateljice i glas voljene sestre. On je glas moje straight i moje gay prijateljice. On je glas prijateljice koja voli da kuha i one koja ne voli, prijateljice koja ne želi djecu i koja očekuje blizance. On je glas bake koja nas je odgojila. Glas za pravo na izbor i protiv predrasuda. Glasajmo za majku u ženi, za sebe u ženi i za sve što su naše suze progutale vijekovima. Oslobodimo se kostura iz ormara, pogrešnih uvjerenja i loših afirmacija koje su utkane u srž nesigurnosti. Zašto glasati za ženu, pitali ste me? Zašto ne?“

90.**Tanja S. Đurović, novinarka TV Pink BH**

„Svi volimo red! Da bi neka država funkcionisala treba da vlada u redu!!! Beskonačnost je divna, i muškarci su takvi, beskonačni!!! Ali mi svi treba da imamo početak i kraj, u kojem ćemo imati svoj red i mir!!! Žena predstavlja upravo taj

91.**Neno Murić, pjevač**

„Smatram da su žene često ambicioznije i upornije od muškaraca i da iznalaze racionalnija i prihvatljivija rješenja određenih problema. Žena političarka se, za razliku od većine svojih muških kolega, ne vodi onom makijavelističkom da cilj opravdava sredstva već traži i nalazi suptilnija rješenja važnih društveno-političkih pitanja. Za trenutni kaos u državi definitivno je potrebna ženska ruka koja bi sve to pomela i uredila.“

92.**Ana Babić, pjevačica**

„Zašto glasati za ženu? Na prvom mjestu, zato što je majka, a samim tim ima urođenu brigu o drugima, dira je svaka moguća situacija, te ta suptilnost koja se kod nas izgubila treba da pojača još jedan u nizu sposobnosti koje žena ima. Ona je domaćica, supruga, majka, intelektualka, ravnopravna partnerka i suradnica u svim dijelovima javnog života, a kod nas se izgubio svaki osjećaj da žena zadovoljava potrebe koje se pred nju stavljaju, samim tim, zašto ne bi stekla političku aktivnost?!“

93.**Damir Kustura, režiser**

„Ja svakako dajem svoj glas za ženu na predstojećim izborima! Žena je stub osnovne ćelije društva (porodice), samim tim žena zasigurno može biti dobra liderica i na širem planu. Dajte svoj glas ljepšem spolu da nas povede u bolju budućnost!!!!“

94.**Armin Muzaferija, pjevač**

„Odluku koju donese, donese srcem, riječ koju kaže rečena je jezikom srca, i ne kaže je zbog svojega JA već zbog onoga o kome se brine, jer to najbolje zna. Zbog toga joj je povjerena velika stvar, da bude majka i zato – ja joj vjerujem.“

95.**Maja Tatić, pjevačica**

„Lično nisam za favoriziranje, ali žene su same od sebe, kako nas je Bog dao, svestrane. Negdje se treba dati više, ali generalno, žene su sposobnije.“

96.**Razija Mujanović, sportistkinja**

„Žene će se više potruditi, dati maksimum od sebe da bi udovoljile narodu.“

97.**Harun Mahmutović, sportista**

„Zato što su žene puno racionalnije, pametnije i promišljatije od muškaraca.“

98.

MaJa MILINKOVIĆ, pjevačica

„Zato što je očigledno da muškarcij gledaju svoju dobrobit, žene imaju odgovornost prema svojoj porodici a samim tim prema svojoj zajednici. Žena gleda dobrobit zajednice.“

99.

Dr. Dino ABAZOVIĆ, sociolog

„Već i sama činjenica da se uopće mora vodi kampanja pod ovim nazivom, a da ne spominjemo stvarnu, činjeničnu situaciju, po kojoj je jasno da su žene, najblaže rečeno, zanemarene od ključnih političkih aktera (čitaj: političkih stranaka), dovoljan je razlog za podržavanje kandidatkinje na lokalnim izborima. Nadalje, u simboličkom smislu, bitno je razbijati predrasude o eventualnoj većoj ili manjoj (ne)sposobnosti jednog ili drugog roda u bilo kojoj profesiji, pa i u politici u užem smislu, a to je moguće i tako što će se, konačno, glasajući za kandidatkinje dati prilika ženama da u većem obimu – nego što je to bio slučaj do sada – participiraju u svim oblicima i na svim nivoima vlasti. Pa onda nakon nekoliko izbornih ciklusa, nadati se, neće biti potrebe za sličnim kampanjama jer će postignuti rezultati govoriti ne samo o političarima, kako je to bilo do sada, već i o političarkama.“

100.

Minka MUFTIĆ, glumica

„Do sada smo vidjeli kako je sa muškarcima, ajde da 'riskiramo' sa ženom da vidimo šta će biti.“

101.